

MASFJORDEN KOMMUNE,
Austfjordvegen 2724,
5981 MASFJORDNES

SØKNAD OM AUKA LØYVING TIL BJØRN WEST-MUSEET.

Det er seks år sidan Bjørn West-museet vart ein del av det konsoliderte museet Museum Vest – 01.01.16. Bakgrunnen for konsolideringa var ein trepartsavtale mellom Masfjorden kommune, Museum Vest og Stiftinga Bjørn West-museet. (avtale dagsett 14.12.15).

På desse fem åra har Bjørn West-museet drive godt og har fornya både bygningar og utstillingar – inne og ute.

Dei siste åra er det klart at finansieringa er ei utfordring.

Prinsippa i avtalen er som følgjer:

- Museum Vest får det fulle ansvar for dagleg drift av Bjørn West – museet. (§ 1)
- Masfjorden kommune er frå same dato ansvarleg for setja Museum Vest i stand til å ivareta dette ansvaret ved å yta eit årleg tilskott. (§ 1)
- Museum Vest har ikkje ansvar for vedlikehald (§ 2)
- Masfjorden kommune tek på seg normalt vedlikehald av museumsbygningane på vegne av Stiftinga Bjørn West-museet. (§ 4)
- Større investeringar må alle partar samarbeide om å finansiera. (§ 4)

Masfjorden kommune og økonomi i høve Bjørn West- museet/Museum Vest.

Tilskot:

I følge §4 i avtalen skal Masfjorden kommune yta eit årleg tilskot til Museum Vest på kr **400 000.-** til drifta av Bjørn West- museet. Summen skal verta regulert årleg. Tilskottet er ikkje regulert sidan avtaletidspunktet. I følge Statistisk sentralbyrå sin kalkulator for konsumprisindeks tilsvarar 400 000.- i januar 2016, kroner **468 000.-** i januar 2022. Dvs. at realverdien av tilskottet er redusert , med utgangspunkt i konsumprisindeksen, med 17 %.

Vedlikehald:

I følge avtalen skal Masfjorden kommune ha ansvar normalt vedlikehald.

23.01.18 var det møte mellom Museum Vest og Masfjorden kommune der innhaldet i vedlikehaldet vart fastsett. Det var semje om at Bjørn West museet (Museum Vest) skulle verta tilgodesett med ein fast årleg sum til vedlikehald. Storleiken på denne skulle ein koma attende til (om lag 40 000 vart diskutert).

Tilskot og årleg vedlikehald vart på ny tatt opp på møte mellom direktør i Museum Vest og ordførar og rådmann frå Masfjorden kommune 08.09.20. Pr. januar 2022 er det framleis ikkje gjeve ei økonomisk ramme for, eller på annan måte gjort greie for rutinar for oppfølging av vedlikehald med Bjørn West-museet.

Museum Vest har tatt stort økonomisk ansvar:

På dei seks åra Bjørn West-museet har vore ein dele av Museum Vest har det vore gjort fleire investeringar og auka rammar for drifta.

I 2019 vart båthuset totalt renovert innvendig.

I 2019 vart også utstillingane i båthuset fornya. I tillegg vart det laga fleire faste uteutstillingar. Det meste av dette finansierte av midlar og ressursar frå Museum Vest.

Korona:

Sesongane 2020 og 2021 har vore utfordrande for Bjørn West-museet – som for mange andre institusjonar som tuftar drifta på vitjingar frå publikum, herunder spesielt turistar.

I 2021 har Museum Vest ytt 125 000 kroner ekstra for omstilling knytt til korona.

Straum:

Straumutgiftene har auka kraftig siste halvår av 2021. Dette var ikkje tatt høgde for i budsjett for 2021. Direktør i Museum Vest har gjort greie for at straumutgiftene er dobla i 2021. Dett vil truleg auka inn i 2022.

Underskot:

Som følgje av korona, straumutgifter og vedlikehald syner rekneskapen eit underskot på om lag 125 000 for rekneskapsåret 2021.

Auka utgifter til lønsmidlar:

Museum Vest har også løyvd 100 000.- for å auka opp stillingsprosenten ved Bjørn West-museet. Dette utan at Masfjorden kommune og/eller Vestland fylkeskommune har ytt ekstra tilskot.

Søknad om auke i fast tilskot samt eingongstilskot:

På bakgrunn av utgreiinga over søker Bjørn West-museet /Museum Vest om følgjande tilskott/løyving frå Masfjorden kommune:

- Det årlege tilskottet vert auka frå 400 000 til 500 000 (straum, løn og vedlikehald)
- Eingongstilskott på kr.- 75 000 for å dekkja delar av underskot i 2021 (kr 125 000))
- Eingongstilskott for 2022 på kr 100 000 for naudsynt fornying og auka kostnader knytt til utstillingar, vedlikehald ombyggingar.

Dersom det er ønske om det stiller gjerne avdelingsleiar i formannskap eller kommunestyre for å orientera om drifta ved Bjørn West-museet og bakgrunnen for denne søknaden.

Mvh

Arnold Matre

Avdelingsleiar Bjørn West-museet -Museum Vest